

玉

海

五十六

玉海卷第一百十四

浚儀王應麟伯厚甫

選舉

科舉

取士科目自夏商以前不見於經其可見者至周始著自周後數千載其間廢置因革皆可考大抵自重而漸輕自緩而漸速

周三物 賢能書

天官宰夫書其能者與其良者以告於上注鄭司農云若今舉孝廉賢良方正茂才異等

疏此謂官中諸吏也

地

官大司徒以鄉三物教萬民賓興之一曰六德

內蘊於

知仁聖義忠和二曰六行

形於外

孝友睦婣任恤三曰

六藝禮樂射御書數注物猶事也興猶舉也民三事
教成鄉大夫舉其賢者能者以飲酒之禮賓客之既
則獻其書於王鄉大夫三年則大比考其德行道
藝而興賢者能者鄉老及鄉大夫帥其吏與其眾寡
以禮禮賓之注賢者有德行能者有道藝眾寡謂鄉
人之善者無多少也鄭司農云興賢者謂若今舉孝
廉興能者謂若今舉茂才賓敬也玄謂變舉言興者
謂合眾而尊寵之以鄉飲酒之禮禮而賓之疏吏謂

州長以下眾寡者謂鄉中有賢能者皆集在庠學鄉
飲酒堂上堂下皆有眾賓不言其數厥明鄉老及鄉
大夫羣吏獻賢能之書于王王再拜受之登于天府
內史貳之疏賢能之書亦寶物故藏于天府內史副
寫一通文書擬授爵祿退而以鄉射之禮五物詢眾
庶此謂使民興賢出使長之使民興能入使治之注
使民自舉賢者因出之而使之長民教以德行道藝
於外使民自舉能者因入之而使之治民之貢賦田
役之事於內州長正月之吉屬民讀法以考其德
行道藝而勸之三年大比則大考州里以贊鄉大夫

廢興 黨正正歲屬民讀法而書其德行道藝 族
師月吉則屬民讀邦法書其孝弟睦姻有學者 閭
胥凡春秋 云云 聚眾庶既比則讀法書其敬敏任恤
者 遂大夫三歲大比則帥其吏而興眡明其有功
者注舉民賢者能者如六鄉之爲也又因舉吏治有
功者疏帥其吏者縣正至鄰長 司諫掌糾萬民之
德以時書其德行道藝辨其能而可任於國事者
夏官司士故士注故爲士者疏新升試士未得正爵
者爲新士不得留宿衛也 記學記比年入學中年
考校注周禮三歲大比乃考焉疏此中年考校非周

禮也皇氏以中年考校謂鄉遂學一年視離經辨志

以下皆謂國學非也

王制疏鄉人故三年一舉學者故中年考試殷周同也

文王世子凡語于郊者必取賢斂才焉或以德進或以事舉或以言揚注語謂論說於郊學大樂正論造士之秀者升諸司馬曰進士謂此矣射義諸侯歲

獻士於天子注引舊說大國三次國二人小國一

人鄉送一人至君所

管子昭王穆王合羣叅比較

民之有道者注謂興賢者詩甫田或耘或耔黍稷

嶷嶷攸介攸止烝我髦士

自國子而下爲士者

不出於鄉遂夫家管子所謂秀民之能爲士者也

閭閻月書族時考州歲比鄉三年賓興 古者使民興
鄉之賢能還以長治其鄉士自修於家民自爲鄉謀
故毀譽公賢否明眾賓之席弗屬堂下之觀禮者弗
坐無異辭也 遂以耕爲主故其事略鄉以教爲主
故其事詳

周選士

王制命鄉論秀士升之司徒曰選士司徒論選士之
秀者注秀士鄉大夫所考而升之學曰俊士升於司徒者不征
於鄉升於學者不征於司徒曰造士樂正崇四術立
四教順先王詩書禮樂以造士大樂正論造士之秀

者以告于王而升於司馬曰進士司馬辨論官材論
進士之賢者以告于王而定其論論定然後官之任
官然後爵之位定然後祿之

司馬注王制曰司馬
辨論官材云云

漢志先王之制里有序而鄉有庠序以明教庠以行
禮而視化焉八歲入小學學六甲五方書計之事始
知室家長幼之節十五歲入大學學先聖禮樂而知
朝廷君臣之禮其有秀異者移鄉學于庠序庠序之
異者移國學于少學諸侯歲貢少學之異者於天子
學于太學命曰造士行同能偶則別之以射然後爵
命焉 漢紀武帝元朔元年十一月詔曰進賢受上

賞古之道也有司奏議曰古者諸侯貢士壹適謂之

好德再適謂之賢賢三適謂之有功

注臣瓚曰尚書大傳云

儀禮古者五十而后爵

射義古者天子之制諸侯

歲獻貢士於天子天子試之射宮

注歲獻獻國事之書及計偕物也三

歲而貢士舊說云見上

古者天子以射選諸侯卿大夫士

注選士者

先考德行乃後決之於射

詩菁菁者莪樂育材也箋云人君教

學國人秀選俊造進士養之以漸至於官之

濟濟多士文王

以寧

倬彼雲漢為章于天

周王壽考遐不作人

有德小子有造古之人無斃

君子遐不作人肆成人

舜典敷奏以言明試以功

皋陶謨翕受敷施九德

咸事俊乂在官 益稷萬邦黎獻共惟帝臣惟帝時
舉敷納以言明庶以功車服以庸

殷周鄉塾貢士 齊三選

北史劉景安曰殷周以鄉塾貢士 射義古天子制

諸侯歲獻

獻國事之書及計偕物也

貢士於天子

三歲而貢士舊說云見上

尚書大傳諸侯三年一貢士一適謂之好德再適謂

之賢賢三適謂之有功賜以車服弓矢再賜以鉅鬯

三賜以虎賁號曰命諸侯 後漢左雄傳古者諸侯

歲貢士進賢受上賞非賢貶爵士升之司徒辨論其

材 齊語正月之朝鄉長復事君親問焉曰於子之

鄉有居處好學慈孝於父母聰慧質仁發聞於鄉里者有則以告又曰有拳勇股肱之力秀出於眾者有則以告鄉長退而修德進賢公親見之遂使役官令官長期書伐選其官之賢者而用之公召與語訾相其質退問其鄉以觀其所能升以爲上鄉之贊謂之

三選

謂鄉長所進官長所選公所訾相也

漢舉賢良方正極諫 文學 親策賢良

三道

紀高祖十一年二月詔曰賢士大夫有肯從我游者吾能尊顯之其有意稱明德者必身勸爲之駕遣詣

相國府書行義年 文帝二年十一月癸卯晦日食

詔曰適見于天其悉思朕之過失以啟告朕及舉賢

良方正能直言極諫者以正朕之不逮十五年九月

詔諸侯王公卿郡守舉賢良能直言極諫者上親策

之傳納以言晁錯傳詔有司舉賢良文學士錯在選

子皇帝曰詔有司諸侯王三公九卿及主郡吏各帥

其志以選賢良明於國家之大體通於人事之終始

及能直言極諫者各有入數二三大夫之行當此三

道大夫其言上三道之要及永惟朕之不德吏之不

政之不宣民之不寧四者之闕悉陳其志錯對曰平

陽侯臣宙等所選賢良太子家令臣錯云云對策者
百餘人唯錯為高第遷中大
夫注三道國體人事直言也
月詔丞相御史列侯中二千石二千石諸侯相舉賢

武帝建元元年冬十

良方正直言極諫之士丞相綰奏所舉賢良或治申

商韓非蘇張之言亂國政請皆罷奏可

建元中上招賢良公卿言

鄧先

馮唐為楚相武帝即位求賢良唐時年九十

餘

嚴助郡舉賢良百餘人帝善助對擢中大夫

轅固

以賢良召公孫弘傳帝初即位招賢良文學

士弘

年六十以賢良召為博士帝舉賢良文學之士

士前

後百數董仲舒以賢良對策制曰郡國諸侯公

遜賢

良修黎博習之士欲聞大道之要至論之極復

策之

曰詳延特起之士令子大夫待詔百有餘人天

子復

冊之仲舒對策推明孔氏抑黜百家立學校之

官州

郡舉茂材孝元光元年五月詔賢良曰賢良明

廉皆

自仲舒發之

於古今王事之體受策察問咸以書對著之于篇於

是董仲舒公孫弘等出焉

公孫弘傳元光五年復召賢良文學菑川國復推上

弘弘謝國人固推弘至太常上策詔諸儒制曰云云

時對者百餘人太常奏弘第居下策奏擢為第一

昭帝始元元年閏月遣王平等五人持節行郡國

舉賢良問民所疾苦五年六月詔令三輔太常舉賢

良各二人郡國文學高第各一人

魏相舉賢良對策高第為茂陵令

王吉舉賢良為昌邑中尉

六年二月詔有司問郡國所舉賢良文

學民所疾苦議罷鹽鐵權酤

始元中賢良唐生文學萬生之徒六十餘人咸

聚闕庭

宣帝本始元年四月庚午地震詔內郡國舉

文學高第各一人

內史舉溫舒文學高第遷右扶風丞

四年四月壬寅

地震詔博問經學之士令三輔太常內郡國舉賢良方

正各一人地節三年三月令內郡國舉賢良方正可

親民者十月詔曰迺者九月壬申地震有能箴朕過

失及賢良方正直言極諫之士以正不逮毋諱有司
神爵四年四月令內郡舉賢良可親民者各一人

元帝初元二年三月詔曰二月戊午地震丞相御史

中二千石舉茂材異等直言極諫之士

初元中上尊
舉直言遷號

令永光二年三月壬戌朔日食詔令內郡國舉茂材

異等賢良直言之士各一人

朱雲舉方正為槐里令
光祿勳匡衡舉孔光方

正為諫
大夫

成帝建始二年二月詔三輔內郡舉賢良

方正各一人三年十二月戊申朔日食地震詔丞相

御史將軍列侯中二千石及內郡國舉賢良方正能

直言極諫之士詣公車

谷永傳建始三年冬太常劉
慶忌舉永待詔公車對奏天

子持召見其夏皆令諸方正對策對者數十人永興

杜欽為上第杜欽傳合陽侯梁放舉欽史丹舉

班旂對策王音舉何武賢河平四年三月癸丑朔

日食舉淳厚有行能直言之士鴻嘉二年三月詔舉

淳厚有行義能直言者元延元年七月詔以日食星

隕公卿大夫與內郡國舉方正能直言極諫者各一

人北邊二十二郡舉勇猛知兵法者各一人何武為

坐舉方正召見槃辟雅拜左遷紅陽侯立舉陳咸

對策拜光祿大夫翟方進奏咸不當蒙方正舉並劾

立選舉不以實太常舉房鳳方正蕭由舉賢良

為定陶令鴻嘉中王嘉舉淳樸能直言召見宣室

對政事得夫遷太中大夫平永始三年正月己卯

阿侯舉樓護方正為諫大夫

晦日食舉淳樸遜順有行義者各一人

對策高第拜

為議郎

哀帝建平元年二月舉孝弟淳厚能直言通

政事可親民者各一人

扶陽侯韋育舉杜鄴方正對策賢良周護宋崇等對策

平帝元始元年五月丁巳朔日食詔公卿舉淳厚

直言

大鴻臚左咸舉譙玄詣公車對策申屠剛忠賢良方正對策

後紀光武建

武六年冬十月丁丑日食敕公卿舉賢良方正各一

人七年夏四月壬午日食詔公卿司隸州牧舉賢良

方正各一人章帝建初元年三月甲寅地震己巳

詔太傅三公中二千石郡國守相舉賢良方正能極

諫之士各一人五年二月庚辰日食詔舉直言極諫

能舉過失者各一人

趙熹舉魯恭直言待詔公車建初元年詔舉賢良方正大同